

西  
巡  
大  
事  
記

西巡大事記卷四

光緒二十六年十一月至十二月

目錄

李盛鐸致樞垣日外部云各國深願皇上專政電十一月初一日

陳夔龍致榮祿報各使公議和約十一款電初二日

盛宣懷致樞垣日聞李相病至和議如重辦禍首撤兵可速電初三日

王之春奏洋教關繫邦交亟宜乘機議約以弭鉅患摺初四日

奕劻李鴻章致樞垣各國使臣會商十二條譯請查閱電初四日

軍機大臣奏遼擬慶親王等來電公約各條應向磋磨大略片初五日

奕効李鴻章致樞垣議款事非敷衍能了請旨愈尤電初七日

張之洞致樞垣及奕李議和各款謹抒管見請商各使電初八日

李鴻章致樞垣各使議款略有轉圜視前約較和平電初十日

張之洞致樞垣議款大綱必不能改請妥商細目電初十日

張之洞致樞垣和款頗多危險已託英德兩領婉商各使電初十日

李鴻章奏請派楊儒爲全權大臣辦理接收東三省事宜電十二日

李鴻章奏俄使請准增祺署盛京將軍電十三日

奕劻李鴻章致樞垣張督所言刪改議款各節窒礙難行電十六日

奕劻等奏請調盛宣懷徐壽朋隨辦各國稅則條約摺十七日

李鴻章奏俄使請以天津河東爲俄租界請旨辦理摺二十二日

丁振鐸奏乞建都長安謹擬十條摺附條陳二十三日

盛宣懷致樞垣奉邸相電草約十二條遼旨畫押電二十五日

李鴻章奏楊儒電增祺擅立奉天交地九款鑄成大錯電二十五日

綽哈布奏陳籌畫黑省事宜五條請聖裁摺二十七日

劉坤一等致樞垣預籌修改通商行船章程以備參酌電

十二月初二日

錫良致樞垣法人逼晉疆乞商法使撤兵電

初七日

奕劻等致樞垣楊儒電晤俄戶部談議和條款殊難就範電

初八日

劉坤一至樞垣英主薨逝請發國電唁慰並派使電

初十日

奕劻李鴻章致樞垣擬就克林德碑文請旨定奪電

初十日

富順奏報各國洋人到山海關大概情形摺初十日

李鴻章奏據楊儒電俄暫約批准已作罷論電十一日

奕劻李鴻章致樞垣法兵進廣昌係欲逐退防兵並非深入電

十三日

盛宣懷致樞垣如懲禍首給兵費各國始可撤兵電十六日

奕劻李鴻章致樞垣增祺電補救周冕暫約情形電十九日

盛宣懷致樞垣英領云發國書請各國減讓賠款電二十二日

盛宣懷致樞垣擬致各國國書酌減賠款電二十三日

軍機處致劉張懲辦禍首事請商英德領事分電各國剖辯電二十一日

李盛鐸致樞垣此次議款萬不可割地電二十七日

軍機大臣奏商定懲辦禍首罪狀恭請聖裁片二十七日

軍機處致奕劻李鴻章懲辦禍首一節請向各使解釋電二十七日

盛宣懷奏趙舒翹天下稱冤請將英啟二人賜死以救趙電二十八日

西巡大事記卷四

男 希 隱 亮 編

孫 孝 章 敬 立 校

黃 巖 殂 夫 王 彥 威 輯

光緒二十六年十一月初一日 駐蹕西安府城

李盛鐸致  
樞垣日外  
部云各國  
深願皇上  
專政電

李盛鐸電信 昨詢日外部條款內有無歸政一節彼答雖無此款然各國深願以後皇太后頤養深宮皇上專政庶辦事畫一彼此無猜鐸謂即如此說萬勿列入款內有礙中國顏面外部唯唯合密陳

上諭寄李興銳本年自五六月以來各省人心浮動教案迭出而江西爲尤甚李興銳尙未到任張紹華責無旁貸務將各處教案迅速持平

了結免貽口實

旨寄桂春已革莊親王載勣現在停留何處派桂春查明催令前往蒲州交錫良管束伊子溥樞隨同桂春前往

交片岑春煊奉諭旨毓賢即發遣新疆毋稍遲延

初二日 駐蹕西安府城

陳夔龍致榮祿電信 此間款事各使公議十餘次又因請示外部不無耽延近聞均接到訓條開議之期亦復不遠大致約十一款首禍一條列先請我嚴辦其次則趨重賠款數在四萬萬以上分爲三綱一兵費一賠償一撫卹其次則使館駐兵擴展租界前門以東崇文門以西大沽平燬礮臺天津至京酌留屯兵處所覲見禮節從優總署建設專官設各國顧

電約使榮祿  
陳夔龍  
一公議報各致款和

問及禁購外洋軍火准我就近自製等條據俄使密稱如照會到時本無辦駁庶免德國瓦帥從中橫生枝節緣和議一開瓦即無可置喙再將小端磋商亦無不可等語頃見電旨處置董軍門一事尤繫衆心足徵籌畫周詳面面俱到然用心亦良苦矣現在專候開議大局庶有轉機否則恐難停戰

### 初三日 駐蹕西安府城

慶親王奕劻大學士李鴻章電奏 各使首領日斯巴尼亞使臣來函約初三日在英使館會晤交議約單初六開議

盛宣懷電信 東電已轉江鄂兩督並切告兩全權從速辦理邸相東奏美署傳鈔十二條與上海德領事所言均符又接李相東電廿二拜

盛宣懷致  
相病垣聞至  
議如重辨和

禍首撤兵  
可速電

英德使回即發熱連日延醫調理須避風靜養各使已將條款簽訂即日訂期在英使館開議言明初次會晤僅對閱文憑云聞以前各使自行會議各請本國訓條從未與邸相面議條款不過派繙譯等從旁探聽故未敢以惝恍無憑之詞切實入奏李相初到京曾以五款照會各使非惟不覆並多悖語此次送公照會不限期不加美教書據伍廷芳艷電尙是美國調停證以中外所聞如能重辦禍首撤兵可速至賠償各款是第一難事須待磋商宣懷叩冬

初四日 駐蹕西安府城

安徽巡撫臣王之春奏爲洋教關繫邦交亟宜乘機議約以弭鉅患恭摺密陳仰祈聖鑒事竊維洋務交涉之端不外通商傳教礦局界務四

王之春奏  
邦交亟宜乘機議約

事而歷次開釁獨以教案爲最多且教士教民徧布境內隨時隨地皆可生事防不勝防故釁之開也尤以教案爲最易至此次以民教相仇而失和因事機不順而挫敗彼族之燄愈熾教民之勢益張駁爵駁魚勢必至於不可收拾故此時之隱患更以教務爲最鉅泰西各國趨利不能不注意通商因教用兵雖後來之勝算可操而目前之商利已損自頃以來各國在華之貿易亦至危矣聞其商人頗極憂惶其各報之明事理者亦並以教育礙商著爲論說正宜乘其悔機弭我鉅患且各國之在中國獨法人以商務較稀可以一意護教別無顧惜此外類無不愛護商利者俄日雖各有本教尙未暢行於中華故其教尤少今宜約此兩國糾同商務最盛之英美以保全利益爲詞於傳教一事公同

西巡大事記卷四

三

議一善後之策不必自我限制但開誠布公陳說事勢以中其隱微試  
一令其平心以思當能得其真心之助擬請密飭議和王大臣斟酌辦  
理似於防患之道不無裨益所有洋教關繫甚鉅亟宜議約杜患緣由  
以開議在卽謹電由陝西撫臣岑春煊繕陳伏乞皇太后皇上聖鑒訓  
示謹奏光緒二十六年十一月初四日奉上諭王之春奏洋教關繫邦  
交亟宜乘機議約一摺據稱宜約俄日兩國糾同商務最盛之英美以  
保全利益爲詞於傳教一事公同議一善後之策似於防患之道不無  
裨益又據劉坤一奏時局艱危敬陳愚慮摺內慎教案一條據稱近日  
英國沙侯及日本宗教家皆謂西教行事或亦不無遺憾正可迎機善  
導請飭於開議時婉切商訂另立專條總以不得干預詞訟爲第一要

奕劻李鴻章  
會商十二使臣  
各國公使  
會同商討  
請查閱文憑  
請電

義各等語著奕劻李鴻章斟酌辦理王之春摺及劉坤一摺均著分別  
摘錄給與閱看將此由六百里各諭令知之

奕劻李鴻章電信 美使昨亦簽字聞各使卽日訂期會晤閱文憑面  
交條款除定准時日及開議如何情形隨時電奏外茲英參贊先將條  
款譯漢底本密送查閱事挾必勝之勢會商已成翻騰不易全文如下  
請代奏

各國駐京大臣會定條款譯稿 西歷一千九百年五六七八等月  
卽光緒二十六年四五六七等月間在中國北方省分釀成重大禍  
亂致罹窮兇極惡之罪實爲史冊所未見殊有悖諸國義法並與仁  
義之道教化成規大相牴牾茲將其較重者開列於左

一西歷六月二十日即華歲五月二十四日大德欽差駐紮中華便宜行事男爵內大臣克遵職赴總署之時途次被奉令官兵戕害二同日京各使館被官兵與義和團匪合夥遼朝內廷旨圍困攻擊直至西歲八月十四日即中華歲七月二十日爲入京各國聯軍所制而救京師如是而中國國家乃令使臣向各國政府傳擔承保全使館之旨

三本年五月十五日即西六月十一日大日本使館書記牛杉山彬並經官兵在城門兇殺都中暨外省之諸國人民慘被殘虐兼遭拏匪及官兵攻擊各項房產居室均爲搶毀若非捨命力敵鮮克全生四泰西墳地被侮在京爲尤甚兼有發掘墳塚拋棄屍骨之慘因以

上各情諸國派兵前來保全使臣商庶戡亂還安聯軍北上與華隊  
抵敵竭力敗之方克前進中國既已承責表明悔過顯昭定亂弭禍  
之心諸大國公議允行然有各國酌定未能移易之要款若非照辦  
不足以贖往愆而防復燃其款列後

第一款 原任德國克大臣被害一事務須欽派親王專使前赴德  
京代表中國皇帝國家悲悔至意遇害處所樹之銘誌之碑與克大  
臣品位相配列敍皇帝憐惜此等兇事之旨標以辣丁德法各文

第二款 一西歷九月二十五日即華歷閏八月初二日上諭內所  
指之王大臣等及日後諸國大臣指出者皆須盡法從重分別懲治  
以蔽其辜 二諸國人民遇害被虐之境五年內概不得舉行文武

各等考試

第三款 因日本書記生被害中國國家必應從優榮之典以謝日本政府

第四款 中國國家必在各國人民墳塋曾遭侮蔑發掘之處建立滌垢雪侮之碑

第五款 禁運中華軍火暨專爲製造軍火各種器料之章照諸國所議仍不開弛

第六款 凡有各國各會各人等當肇亂時被害虧累中國咸宜從公賠償華人員從事他國之故身軀家產殃及者同中國務須籌出以上償款及分還各欠之來源適諸大國之意斟酌尤行

**第七款** 諸國分應自主常留兵隊分保使館境界自行防守界內  
**不宜繁華人**

**第八款** 京師至海面須留出來往暢行通道故與其有礙之大沽等碼臺皆須一律削平

**第九款** 京師至海之通道不使有斷絕之處由諸國分應主辦酌定數處留兵駐守

**第十款** 一兩年之中中國國家務須在各府廳州縣宣示諭旨一  
道載明後開之端永禁或設或入與諸國仇敵之會違者無論首從  
皆斬犯罪之人如何懲治文武考試如何停止一并列述 二中國  
皇帝須頒上諭一道通行布告以各省督撫文武大吏及有司官於

所屬境內皆有保平安之責如復滋傷害他國人民之亂再有違約之行必須立時彈壓懲辦否則該管之員即行革職永不敍用亦不得借端開脫別給獎敍

第十一款 條約船章及另有關繫通商事宜各歸諸大國裁視有失全應更改使其妥善簡易之處中國國家尤行照辦

第十二款 總理各國事務衙門必須革故鼎新暨諸國欽差大臣觀見中國皇帝禮節亦應一體更改其如何變通之處由諸大國酌定中國照允施行 以上各款若非中國國家尤從足適各國之意各本大臣難許有撤退京畿一帶駐紮兵隊之望一千九百年十二月二十日庚子年十月二十九日各國駐京大臣署名

軍機大臣奏遵擬慶親王等來電公約各條應向磋商大略片

## 初五日 駐蹕西安府城

軍機大臣奏遵擬慶親王等來電公約各條應向磋商大略片

第二款 懲辦禍首其實係行爲慘酷貽禍國家如毓賢者自當明正典刑至懿親除大逆不道外例無死罪若發往盛京永遠圈禁即係極重法律又所指各員中情罪亦有重輕仍當分別辦理應請磋商至罰停考試須指明焚燬教堂及傷害洋人各州縣學政歲科試而言若議及鄉會試亦須指明焚燬教堂及傷害洋人各州縣不准予考如牽涉全省則下屆即係萬壽恩科務須設法顧全

第五款 外國材料中國需用甚多專供戰務應指定貨物名目

第六款 賠償各款勢不能輕惟亦須量中國力所能及或寬定年

限或推情量減應請磋磨

第七款 各國使館屯紮衛隊當議定兵數不得過多亦須有約束  
章程免致越界滋事

第八款 大沽礮臺可否將礮位兵丁撤去仍留空礮臺以防中國  
海匪竊發不致茫無措手

第九款 京津沿途設卡須議定地方及兵數專爲保護各國往來  
官商之用不得於中國地方及行旅有所干預以上第七第九兩條  
務請竭力磋商以免有礙回鑾

第十款 此後教案及關交涉之事如實係傷害洋人地方官保護  
不力自應重處如其因民教不和傷及中國教士或游歷之人亦須

查明情形分別輕重未便一概永不敘用且擬於此次和議成後設法議立專條以免教案日繁民不堪命官不勝恭

第十一款 條約船章及關繫通商事宜如有更改簡易之處但於中國利權無損自可允行

第十二款 觀見禮節如何更改自應酌中定議總期無傷國體  
軍機處致全權大臣電信 東電已進呈數月來貴王大臣煞費苦心  
爲難情形可想榮祿等於本日召見時亦經剴切面陳上意亦謂大綱  
十二條不能不照允惟其中利害重輕詳細節目尙須竭力磋商飭榮  
祿等將各條再三酌度電商逐條開列以備開議時參酌至所商各條  
在貴王大臣智珠在握自亦豫爲籌及事關大局上意所在愚慮所及

亦不能不詳陳熟商務祈審度情形妥籌磋商補救一分是一分耳以上各情是否能行仍祈電覆

初六日 駐蹕西安府城

旨寄奕効李鴻章覽所奏各條曷勝感慨敬念宗廟社稷關係至重不得不委曲求全所有十二條大綱應即照允惟其中利害輕重詳細節目著照昨日榮祿等電信各節設法婉商磋商尙冀稍資補救該王大臣等勉爲其難惟力是視可耳

初七日 駐蹕西安府城

奕効李鴻章電信 東電悉此事早知非敷衍所能了迭經各使往復密商其政府數十日而定議非此不能轉圜非此不能結局支電藉外

奕効李鴻  
章致樞垣  
請款事非  
能了

電旨命允

人公論剴切上陳萬不敢互相徇隱諸公當亦熟權利害輕重逕請施行如奉電旨愈尤以後撤兵回鑾皆可次第就緒

旨現在駐蹕長安所有長安縣屬錢糧一律暫免十分之五

岑春煊奏陝西賑務方殷款項已罄擬暫借撥甘肅協餉以應急需摺奉硃批所奏自係實情惟甘肅新疆常年例有專餉是否能移緩就急着妥籌辦理

初八日 駐蹕西安府城

張之洞致  
李樞垣及奕訢  
見請商各款議和各  
使電

張之洞電信 昨見各使面交議和條款內第五款運進中國之軍火暨專爲製造軍火之各種材料仍不准運入中國等語前一日英參贊所交譯漢底本作專爲製造軍火各種器料器自是指造軍火機器用

意更深器字或是翻譯錯誤昨據駐俄楊使電外部稱軍火暫禁入口  
駐美伍使電外部允軍火暫停採購此條擬請照俄美外部之說與各  
使商軍火祇可暫禁限定幾年至製造軍火之機器物料請勿禁止婉  
商將此句刪去第六款須籌定各國所能允從之理財辦法以爲擔保  
賠補及借款等語擬將各項籌款大略辦法如加關稅通郵政行印花  
稅加鑄稅等事凡中國籌餉而與外洋人有交涉者請趁此時向各國  
略露端倪於此次條約內將各事添入數語豫爲他日開辦張本以免  
臨時阻撓第十一款修改通商行船章程各國以爲有益者自可商改  
但不得與中國有損應由我與各國商定稽察收稅妥善章程不致有  
礙中國商民生計稅課款項此等語應於此次條約內添入以俟日後

妥議細約之根此三條謹抒管見第五款尤關緊要請與各使切商至  
禱并盼示覆之洞肅語午

初九日 駐蹕西安府城

旨寄奕劻李鴻章陽電悉條款大綱固已照允惟詳細節目仍須設法  
婉商磋磨力圖補救昨日張之洞電奏條款內第五款專爲製造軍火  
之材料一句如果照允中國永無禦侮之具即會匪潰勇亦不能鎮懾  
且各省製造鎗礮局廠均須停閉關繫匪輕查伍使楊使來電皆云美  
俄外部所告只言暫禁是此條必可商改等語著奕劻李鴻章與各使  
婉切相商將專爲製造軍火之材料一句刪去並議訂暫禁年分較爲  
妥協

初十日 駐蹕西安府城

旨電李鴻章增祺與俄人擅立約章荒謬已極着即革職飭令回京毋任逗遛生事盛京將軍已派清銳署理矣楊儒電廢暫約立正約一切爲難情形亦所稔悉然總須設法磋商不避其難以副委任將此電寄該大臣知之

李鴻章電信 各使所議之款俄日斥爲太過德英本一氣因而許轉圜現已更議勿強我所難並勿作哀的美敦書罪首聽我自辦賠款要核實軍火暫禁入口視前約較和平惟彼但求衆無異議不容我費一辭棘手之至

張之洞電信 所以苦求各國勿來哀的美敦書者正爲今日議約計

電  
約轉讓樞垣各使  
較圖款略和前有  
平前有

張之洞致  
樞垣讓款

大綱必改請妥不  
細目電

張之洞致  
樞垣和款  
頗多危險  
已託英德兩  
使電商領婉各

也大綱必不能改細目必當妥商望電告全權萬勿遽行畫押敝處尙有籌議回鑾電奏一件萬分緊要即刻續電張之洞肅佳辰

張之洞電信 數月來各國國書外部公使皆以回鑾爲請將來自必回京惟此次第七第八第九款大沽撤礮臺使館駐護兵津沽設兵卡三條其勢不能不允然合計十一國京城護館之兵至少必有千餘津沽沿邊之兵至少必有五六千海口兵艦約十餘艘兵數亦在三千內外是洋兵水陸合計必有萬人不言何時始撤恐是長局此路我旣無臺無兵彼又據有鐵路半日可到都下實屬危險合十一款覲見改章觀之以後各使請覲必然頻數輒於覲見時面加要求必致條款陸續增添日逼日緊從此中國無自主之權不可爲國矣必須籌一穩妥平

## 西巡大事記卷四

一一

清季外交史  
附刊之一

允之策前日英德兩領事來詢洞有何意見昨函致兩領事云京都駐衛隊京至津沽沿途設兵卡大沽撤礮臺護衛使館可謂至周至密是使館永遠安穩惟是中國京城門戶之防全撤不容自護是朝廷永遠危險似非平允雖諸大國當不致藉勢橫行然國數既多年月既久諸國未必永遠聯爲一氣日後難保不各生意見設有一二國或有意藉端尋隙或因彼此誤會與中國爲難中國何以自保將必至無論何國無論何事或於此國有益而於彼國無益之事亦可隨時要挾上則逼勒朝廷下則洋兵四出騷擾百姓中國從此永遠不能平安各國亦必暗中受損矣必須籌定彼此永遠相安中國不致過危之道方昭平允愚意此項衛隊及沿途卡兵必須聲明專爲保護使館之用沿途須定

界限不可越界騷擾除中國再激各國公憤此次各聯國均簽字允肯向中國用兵者另當別論外倫一二國與中國偶有齟齬該國公使下旗出京應即將其衛隊及其卡兵帶同回國其津沽至京之暢道爲各國護館公共之路須守局外敵國不得借道進兵庶使館安中國朝廷亦安不然明知危險臣下斷不敢勸請朝廷回鑾等語託其電告英德兩使與之婉商不知各使允否惟有請旨飭下全權大臣於此節務商善法暫緩回鑾告以駐兵妥善方能放心回京如一時未有善策而彼又嫌陝省陸路太遠於使館不便似可與各國婉商另擇彼此兩便地方或在長江上游一帶止能行小兵輪之處於江岸向內數十里或百里以作暫時行都俾行都使館俱獲安穩俟京津駐兵議有妥章後再

行回京亦萬不得已權宜之策此策英領事前月曾言之較勝於強兵  
逼處挾制無窮庶幾國權自主猶可徐圖振興冒昧瀝陳請代奏洞悉  
旨寄張之洞初九兩電悉所籌回鑾一節甚屬周密不爲無見即著將  
原電電知奕劻李鴻章參酌辦理該督與劉坤一均奉有會同便宜行  
事之旨但有所見即著徑電該親王等商酌以期妥速奕劻李鴻章現  
議條款如有應行參酌之處亦隨時電商該督等互相斟酌期臻妥協

### 十一日 駐蹕西安府城

張之洞奏解快鎗各項軍火摺奉旨着岑春煊統收隨時酌撥  
又奏撥江漢關洋稅解陝備賬片

### 十二日 駐蹕西安府城

李鴻章奏  
請派楊儒  
為全權大臣  
收東三省  
事宜

李鴻章電奏 現據格使面述俄主允交還東三省惟三將軍號令不一勢必多延時日楊欽使素稔邦交可否請派爲全權大臣以期辦事迅速等語查從前曾紀澤曾派全權與俄國議伊犁事宜今東三省情形比伊犁更重可否即如該使所請派楊儒充全權大臣於交收之事或可直接妥當請旨遵行

旨電出使俄國大臣楊儒著充全權大臣與俄外部商議東三省接收事宜

旨電奕効李鴻章楊儒此次俄廷深敦睦誼允許交還東三省一切辦法須臻妥協楊儒當審時度勢悉心籌畫隨時電商奕効李鴻章互相參酌並着奕効等傳諭東三省將軍妥爲經理毋稍貽誤

俄使李鴻章奏准  
增祺署請軍將軍

十三日 駐蹕西安府城

李鴻章電奏 頃格使來言朝廷有將奉天將軍增祺離任之說增將軍現方與俄國議事遽行撤去於我國面子不好看請奏明處置云鴻思格使所請祇可照准或於訂約稍有裨益崇厚前事正是榜樣伏乞聖察准增祺署理盛京將軍

旨電李鴻章增祺著留奉天將軍之任交收事宜由楊儒議辦該將軍不得再滋貽誤

旨電奕劻李鴻章轉增祺增祺着暫准留盛京將軍之任交收事宜聽楊儒辦理勿得謬誤從事

十四日 駐蹕西安府城

旨寄盛宣懷前有旨令周馥速赴直隸藩司任現在該藩司行抵何處  
著盛宣懷迅即電催到滬後暫緩赴任即令乘坐海輪取道秦王島迅  
赴京師隨同奕効李鴻章辦理和議條款事宜詳細磋商務期妥協並  
着盛宣懷將此旨電知奕効李鴻章遵照

十五日 駐蹕西安府城

上諭盛宣懷着充會辦商務大臣

十六日 駐蹕西安府城

盛宣懷奏遵旨籌辦陝西義賑事宜摺

奕効李鴻章電信 懲辦各節昨已照陽電奏准者分別入告惟董難  
重辦情形已迭與各使言及皆不謂然各國公論此次禍首端一董二  
刪張督撫所言垣款

奕効李鴻  
章致樞垣款

莊次蓋日本書記生實係董兵戕殺圍攻使館尤係渠魁各使總疑有人庇護縱奸不辦今此案即將結束能定罪名固妙否則應如何嚴處隨後重辦必須切實聲明免其藉口生波至奉初十日電旨張之洞所稱回鑾一節不爲無見張旋將原電轉到細加察核所言尙未盡實如使館留兵英俄法德美日本每館留兵約百名以內義奧皆水兵更不能多留比日荷本無兵無論矣合之不過數百津沽沿路之兵已於說帖內簽詢某國多少共計若干分繁幾處應先行商明並由各國詳定約束章程中國仍力任保護如一二年後各國查明中國保護得力即可酌量撤去駐守兵隊張電謂至少必有五六千殊屬臆斷至撤臺一節擬商明察看何處何臺有礙暢道酌令平燬則其無礙馬路者不撤

可知至門戶之說本不可靠咸豐庚申及本年夏間僅攻半日礮臺內  
毀似仍以自強爲善爲要所謂在德不在險也至謂或有一二國尋隙  
隨時要挾津沽至京暢道爲各國護館公兵之路須守局外敵國不得  
借道進兵亦難於各國和合時預爲此說至謂另擇彼此兩便地方或  
在長江上游能行小兵輪處以便暫時行都使館尤屬謬論偏見鑾輿  
固不能隨便游幸各使尤不能聽我調度彼謂託英德領事電告該使  
該使常見並無此說至文電條款總目第二項內遵奉內廷諭旨一語  
請飭刪除查各使圍困日久但藉此空文洩憤當面並未挑過我若於  
字句間求之未免自生枝節不料張督在外多年稍有閱歷仍是二十  
年前在京書生之習蓋局外論事易也請代奏鹽

十七日 駐蹕西安府城

旨寄奕劻李鴻章鹽電悉董福祥受恩深重即使加以重處該提督當亦無詞惟素爲陝甘兩省漢回所傾服設辦理稍涉操切深恐激而生變後患無窮所難在此實非有人護庇應仍遵前旨不憚煩言開誠婉告以後仍隨時相機辦理此時萬難遽定各國旣重修好當亦願中國之平安無事也至各國使館留兵合之不過數百名是否業經商定確有把握至津沽沿路之兵分紮幾處共計若干各使有無回信應即查明電奏又遵奉內廷諭旨一語據奏各使但藉空文洩憤當面並未挑過等語旣登諸筆牘較面挑爲尤要前已降旨引咎自責並有實非朝廷本意之諭自以刪去爲妥如各使果只空文洩憤該親王等確知此

奏奕勛等請調盛宣懷出使朝鮮大  
臣四品京堂徐壽朋來京隨辦各國稅則條約摺

語必無後患原不必求之字句間也  
慶親王奕劻大學士李鴻章奏請調太常寺少卿盛宣懷出使朝鮮大臣四品京堂徐壽朋來京隨辦各國稅則條約摺旨寄奕効李鴻章據奏請調大員隨辦各國稅則條約一摺盛宣懷已有旨派充會辦商務大臣徐壽朋著即來京幫同辦理此次商務條約事宜韓國交涉事件暫派參贊代理

十八日 駐蹕西安府城

奕謨等奏法兵尙據陵內營房及易州城情形摺

十九日

上諭寄奕効李鴻章聯軍戕斃藩司廷雍一案情形極爲慘酷甚至懸

首梟示不獨中國法律處置二品大員無此重典按之西律尤屬違悖  
公法查廷雍在護督任內迭經奏請剿辦拳匪摺片具存不難查覈且  
洋兵到保定時該藩司遵照李鴻章手諭以禮接待現在正值開議自  
當據理詰問以顧國體而伸冤抑廷雍原摺片八件均著鈔給閱看將  
此由五百里諭令知之

二十日 駐蹕西安府城

旨寄奕劻李鴻章諫治兩電均悉條款大綱業經允准自未便延不畫  
押惟其中詳細節目甚多有必須就款引申者關係至重不可不逐條  
切實磋商以杜後患所有疊次諭旨所指各節及本日另旨並內外臣  
工條陳各說該親王等務當詳加參酌力圖補救毋得以大綱業已畫

押稍涉大意畫押以後著即與各使先行商訂撤兵日期尤爲至要  
旨寄奕劻李鴻章條款大綱畫押已有旨允准矣來電稱各使有就款  
引伸之語該親王等亦擬於畫押後從容計議以期補救應將迭次諭  
電及各說參酌辯論引伸所最關緊要者如遵奉內廷諭旨一語必須  
設法說明期於必無後患奉令官兵語句亦須辯明爲妥至日後二字  
雖難禁絕但必須另有實在案據如所奏歸化城一事者方可照辦不  
得任意牽混貽患無窮使館駐兵名數及京津沿路駐兵數目處所尤  
須議定限制仍將逐條妥議情形隨時電奏

二十一日 駐蹕西安府城

旨寄劉坤一等有人奏通商行船必先將前約或廢或停始能更改具

載公法本年戰事止於北方東南各省曾與各國立有彼此互保之約  
通商行船一切照常此次和議擬改通商行船約章自應責成原議保  
護東南商務各督撫大臣切實婉商免其修改或如何變通以資補救  
著劉坤一張之洞盛宣懷悉心籌議或電商各國全權大臣及外部據  
理辯論並電告奕劻李鴻章一體妥議隨時電奏

二十一日 駐蹕西安府城

旨電李鴻章大學士李鴻章着派爲全權大臣與俄國商議事務

李鴻章奏自京津失守後洋兵充斥外洋通例凡兵力所到之處即爲  
該國所有之地現在天津一帶均插各國旗號雖將來和議成時陸續  
歸我侵地而碼頭繁盛之區彼必專爲租界天津城外各國租界極多

摺請爲天俄旨使津河辦租界請以奏

惟俄國無之現俄使指定河東一帶擬作爲該國洋場援照各國通例  
來請不能不允惟內有鹽丁鹽坨一畝爲長蘆鹽商築鹽存鹽之所乃  
該處小民產業當告以鹽法爲我國課餉大宗不容廢置且係商人世  
業斷不能價賣與人應即議明此段仍劃還鹽丁管業不入租地之內  
不得侵佔其餘地段准令俄人認租作爲俄國洋場俄使亦已照允欲  
先立草約以便日後再商查各國在天津均有租界俄獨無之今既以  
禮乞請又值東三省商議交還自應准如所請謹擬草約二條請旨辦  
理伏乞聖鑒謹奏奉旨電李鴻章着照所請該衙門知道單併發  
交片馬安良奉旨着該總兵統帶全營於秦隴間擇地就食認真操練

二十二日 駐蹕西安府城

丁振鐸奏  
請據十條  
建都長安

丁振鐸奏聞各國公使力請回鑾各直省大吏亦有以此事爲言者回  
惑聖聽萬不可行陝西山川形勝利便伏乞定建都之議謹擬十條恭  
候采擇施行摺

一、北京宜作留都略仿明代南都之制設各部官員以親王留守崇其  
體制

一、和議宜慎定條約傳教一事尤宜妥定章程

一、洋使宜籌位置可否於天津上海設全權大臣所有交涉事宜即在  
該處會議電達長安請旨如各使必欲於西安設使館亦宜預籌地  
方勿令實逼處此

一、定策建都長安所有京旗除當差食糧兵丁外其餘可以弛禁或農

或商聽其各謀生計

一、漕運請改徵折色可歲省鉅款陝西南山一帶出米甚多再於龍駒寨紫荆關建倉購米商販流通長安自無米貴之患

一、鐵路宜改勘若仍由漢口至河南信陽州許州折而入陝或改由襄陽西上亦甚便捷

一、官制宜變更西安定都巡撫當另籌移駐大約潼關華州較為利便  
西安改設府尹一切如奉天順天體制陝撫專轄陝省大河以北鞭長莫及晉省各關隘防營布置亦復難周擬請改為陝晉總督兼轄山西舊設之陝甘總督改為甘新總督

一、要隘宜增設防戍如直隸之保定正定獲鹿井陘山西之平定州四

大天門平陽蒲州湖北之襄陽河南之信陽南陽荆子關陝州陝西之潼關榆林漢中等處宜添設重兵藉資拱衛

一藩封宜加意撫恤陝晉均迫近蒙邊尤宜招撫以資捍護

一積弊宜嚴行禁革此事頭緒繁多無論遷都與否皆宜整頓以圖自強

步軍統領敬信等奏京師安撫事宜現會同洋員籌辦摺

二十四日 駐蹕西安府城

旨寄奕劻李鴻章條款大綱既已照允自應次第辦理其第一款爲德使克林德樹立銘誌之碑如何方與德使品位相配著即斟酌妥商派員先行撰文措詞務須得體撰就後繕稿呈覽候旨定奪第三款日本

書記生杉山彬除業經降旨祭卹外應用何典優榮以謝日政府亦著酌定奏聞至傳教章程務須商訂另立專條以杜後患

## 二十五日 駐蹕西安府城

盛宣懷致  
樞垣奉邸  
相電草約  
十二條遵  
旨畫押電

盛宣懷電信 頃奉邸相漾電草約十二條即遵旨畫押此約不另請批准亦不互換與尋常議約事體小異和局可成此後酌議詳細章程磋磨定後當另爲約款祈轉江鄂及各處云除另轉外宣懷敬

李鴻章奏  
楊儒電增  
祺擅立奉  
天交地九款  
錯電成大

李鴻章電奏 接楊儒電俄阿提督與增祺互訂奉天交地九款一由將軍保護地方助造鐵路二保路俄兵房屋糧食由我供給三遣散華兵交出軍火四毀全省礮臺五地方安靜後交還牛莊等地方六地方歸我後須備巡捕兵彈壓七俄員駐瀋陽地方預聞要務八如華捕力

不足俄兵幫助九以俄文爲准據英使維也訥云確有此約增祺雖係暫且訂約然俄國必藉此成見儒雖派全權無從下手現迭向外部駁詰伊云中國現有大禍若不慎防勢必一誤再誤我俄非核提不可哄騙既定約難翻議云云竊思俄既面尤歸地自難翻悔但恐交還是吏治非兵權有空名無實惠楊使云云確係實情增祺派周冕與立約章未請示鑄此大錯俄人牢握不移楊儒既難挽回鴻章又何從措手

二十六日 駐蹕西安府城

旨電奕効李鴻章來電悉楊儒電所稱增祺派委革員周冕往俄與俄擅立奉天交地暫且約章九條畫押之語殊駭聽聞此事增祺並未奏知周冕係已革道員卽係暫且該革員亦無訂約之權此次東三省交

收關繫甚大楊儒旣派全權着即與俄戶部婉商妥辦增祺擅派委員  
妄加全權字樣實屬荒謬着交部嚴加議處俄與中國交誼最久遇事  
竭力維持此次許還東三省尤徵睦誼諒不至以該革員暫且之約執  
爲定據也李鴻章熟習交涉之事曾與俄國議定專約此事關繫甚大  
亟應通盤籌畫以副委任

工部代遞主事夏震武條陳請治奉天將軍增祺以專擅定約之罪並  
自請赴俄廢約結和先抵京師與大學士李鴻章妥議然後啟行摺

二十七日 駐蹕西安府城

調補黑龍江將軍綽哈布奏竊奴才効力邊疆毫無建樹乃蒙授以將  
軍之任曷任悚惶查該省與強敵爲鄰用兵之後措置爲難現雖允還

侵地果其定期接收此後應行籌畫事宜尤有其難其慎者查江省幅員遼闊所有要隘均與俄境毗連本有防不勝防之患自光緒二十一年俄人議開築路在該省南北界內計地二千四百餘里條約載明保護於是各處郵埠分紮營兵以資彈壓計先後設練兵三十餘營棋布星羅尙不免此次之變且平時馬賊土匪乘閒抵隙猶以地廣兵單不敷分布今則兵敗之餘逃兵游勇爲害閭閻若不收爲我用必更生事而保路一切在在需兵此治兵爲該省急務一也該省民貧地瘠兵後十室九空即令給發籽種農器來歲未必有秋而呼蘭巴彥蘇民俗刁悍通肯流匪昨甫投誠開墾旣罕端倪流離又嗟失所此辦賑爲該省急務二也該省居民不務耕鑿土地荒蕪游手日繁民食日缺且各地

正兵食餉較之內地僅領三成之一故於春秋差竣之後散歸服農一切無業之徒尤當教以稼穡此勸農爲該省急務三也該省自有之利莫如開礦上年已經試辦現在各廠機器諒多殘缺員匠人等亦已星散俟和議定局即須設法整頓如能次第推廣獲有盈餘即以充本省餉需免致仰給他省此開礦爲該省急務四也該省防練旗勇各營欠餉已逾六月奴才到任勢必紛紛請領即使選強汰弱擇要分防而遣散兵丁亦須給以恩餉免致流而爲匪此籌餉爲該省急務五也奴才以爲經營該省當以務農開礦爲本治兵辦賑爲標而尤以固結人心力除積弊爲安攘之計惟是舉此數端無一不需鉅款無米之炊殊難措手惟有仰懇天恩迅飭部臣查明各省協餉本年欠解若干迅速掃

數解赴上海道衙門以便會商匯解並將明年應協各餉及部庫應發  
餉項速籌指撥預期起解惟奴才急待起程一時款難齊集可否先由  
奴才與全權大臣及大理寺少卿盛宣懷商酌在滬息借商款二三十  
萬移緩就急庶早日料理諸事就緒不誤事機且通盤核計實於用費  
較省伏乞聖裁謹奏

二十八日 駐蹕西安府城

旨電劉坤一盛宣懷前諭綽哈布由成都將軍調補黑龍江將軍順江  
東下前赴旅順與俄員商議一切頃據奏到任後整頓營務需款甚殷  
可否於上海暫借商款二三十萬即以各省應解協餉抵還現已飭奕  
効李鴻章迅籌布置並着劉坤一與盛宣懷商議先就上海息借商款

趕緊匯解將來卽由協餉抵還俾可辦事是爲至要

二十九日 駐蹕西安府城

張之洞奏漢陽縣縣丞請移設劉家廟改爲夏口廳分防縣丞摺

十二月初一日 駐蹕西安府城

懿旨現在駐蹕西安宗廟社稷及宮中神位聖容前元旦應行禮節均未能舉行予復何心受賀乃皇帝再三籲懇勉如所請明歲元旦令節皇帝率同王公百官在便殿行禮禮畢後皇帝御便殿王公百官按班行禮所有一切典禮概行停止

初二日 駐蹕西安府城

劉坤一張之洞盛宣懷電信 箇電奉旨恭悉修改通商行船條約載

在大綱十二條已經奉旨照允釐押若忽生異議不願修改各國將疑我反覆各款均不足信於和局且有妨礙原奏謂戰事止在北方東南通商行船一切照常應與商免修改等語查當日保護東南一切原係奏明遵旨辦理所以宣布朝廷德意今日議約自未便以朝廷已允之件另起波瀾至補救之方謹當詳思力籌此係善後事宜不比議和總約事機緊迫惟有於商酌細目時視彼要索何款相機抵制設法堅持總以勿礙我商民生計勿侵我自主之權利爲主聞各國已令議院商會各抒所見勢將擇其利彼損我者合力挾求更改蓋各國通商自有常法修改條約必期彼此有益中國則舊約本已受虧彼本不以各國通例待我戰敗以後猛改愈甚勢所必然儻能於和局大定之後即行

宣示整頓內政切實辦法使各國咸知我有發憤自強之望力除積弊  
之心則籌議修約時尚可容我置詞不致一味聽人指揮受人侵削坤  
一之洞擬即劄飭各關道並分咨轉飭各省關道將關繫通商行船各  
事宜各具說帖以備參酌一面互商全權大臣一面奏明備考宣懷亦  
飭各商局預籌利弊屆時以便隨同商酌請代奏

初三日 駐蹕西安府城

下詔與天下更始

初四日 駐蹕西安府城

上諭理藩院尙書着世續補授

初五日 駐蹕西安府城

上諭信恪補江寧將軍所遺密雲副都統着馬亮補授

初六日 駐蹕西安府城

初七日 駐蹕西安府城

錫良致電  
晉垣法人逼  
使撤兵商乞  
兵

錫良電信 頃據升允稟稱洋人已從五虎嶺來要到廣昌囑該縣預備並轉致山西各營此係直隸地方業劃歸法國與山西無涉務須趕緊退出免起兵端查廣昌旣駐晉軍卽是晉省門戶我軍不能不嚴陣以待派人前往開導升允因病請假已約萬本華前往會商堅忍堵禦等語伏思現正議和各國理應退兵法人忽逼晉疆阻之則必開釁聽之則竟長驅究應如何因應之處乞代奏請旨遵行並電飭全權大臣轉致法國公使速令撤兵以全和局錫良處

奕劻等致  
電晤俄  
部談議和  
難就範

## 初八日 駐蹕西安府城

奕劻李鴻章電信 駐俄楊使儉電外部廿二歸屢與訂晤改期至再似有所待又似計畫未決未知何意戶部密談擬定之款如下 一兵費償款在京核定鐵路償款另算 一東省我常設巡捕兵其數須與俄商定 一簡放將軍先與商明 一每將軍處俄派文武二員武稽巡捕兵數文辦鐵路等事 一滿畿暨北省各項利益不得讓他國一滿蒙等處我不得造鐵路 一金州城歸入租界 一俄代理滿洲關稅由我派員稽查進款 一陸進口納稅後免內地稅 一中俄借款應改每月付息 一兵費賠款未清我無權贖回東省鐵路 一俄欲購我山海關至營口鐵路該價即在兵費賠款內扣算所餘之數每

年應還利息即在滿洲稅關進款內扣算 一俄保路之兵訂明分期撤退 各款均伊口述儒告以萬難全允賠款固宜清算他事總須持平辯論良久伊稱細節可商大旨難改應勸中國允從勿以瘋愚視俄等語細繹各款暨戶部之詞善自爲謀乘虛圖我情形顯然查兵權利權與派官之權三者損一已失自主何況全損東省權利盡去已覺不堪何況牽涉蒙古暨北省一國如此他國效尤保全中國之謂何竊以俄如和平商辦作一榜樣應速與訂定如挾制我覬覦自便私圖宜暫延緩且俟各國訂約再商否則英於長江一帶德於山東全省均欲援例何以應之東省失守幸議交收堅拒非宜曲從不可事處兩難所宜通籌定奪既經戶部談及合先電陳梗概乞代奏請示機宜等語查俄

戶部微德主持國是外部聽命所言如此殊難就範現日本使倡言如照周冕旅順所議東省雖曰交還實同佔據則英必佔長江德必據山東日本亦必圖據地大局擾亂可危似應如楊儒所議宜暫延緩爲便旨電奕効李鴻章楊儒電悉交還東三省種種爲難即照楊儒所請從緩商辦

初九日 駐蹕西安府城

宋慶馬玉崑電信 頃據探報洋人從五虎嶺來欲進廣昌已由升允萬本華派隊相機因應除飭馬金敍等一體嚴防隨時與晉撫妥爲商辦外乞代奏慶崑庚

旨寄宋慶馬玉崑庚電悉洋兵欲進廣昌昨已有旨諭令錫良相機因

應宋慶馬玉崑所部素稱得力原派防守山西各要隘責無旁貸現在和局大綱雖已畫押而洋兵仍復窺伺尤當整頓營勇擇要嚴防不得以和議將成稍涉疏懈該提督等務須振刷精神督飭各營認真訓練會商錫良嚴密布置總期緩急足恃是爲至要

旨寄河南巡撫于蔭霖現在和約大綱雖已畫押而洋兵未撤防範仍不可稍疏河南地方關繫緊要程文炳所統各營係屬各省援軍湊集究竟能否得力著于蔭霖確切查明如果尙屬可用即會商程文炳認真整頓操防其河南本省防營共有若干如何分布防守是否足備緩急之用于蔭霖向來辦事認真練兵爲疆臣專責務當督飭各營加意訓練總期悉成勁旅有備無患無稍疏懈仍將邊辦緣由迅速覆奏

宋慶電信 聞法兵欲從五虎嶺進逼廣昌廣昌雖屬直隸然已逼入晉境矣當督率各營扼要駐防且聞洋人有直隸割歸法國管轄中國兵不得逗遛直界之說合併奏聞

初十日 駐蹕西安府城

劉坤一電信 英君主於本月初三日薨逝日本知該國新君雄略是以極意聯絡中與俄前訂密約爲英所忌此次議款英多要挾現將開議細目通商加稅等事尤以英爲樞紐是爲我計亟宜乘此聯英冀得相助擬請卽發國電唁慰聲明後派專使弔賀似與派使赴俄專賀加冕之意相同修好釋嫌機不可失請代奏坤語

旨電奕効李鴻章英國奠唁致賀國書即由京備好請用御寶一切辦

劉坤一  
花垣英主  
國電唁慰  
並派使電

奕劻章奏就克林德樹立銘誌  
百定奪請文請

安後電知俟派定專使填上銜名可也

奕劻李鴻章電信 敬電奉旨大綱第一款爲德使克林德樹立銘誌之碑著即派員先行撰文呈覽候旨定奪等因除碑式如何與該使品位相配另與駐使斟酌妥商外所有碑文茲已派員撰就電呈御覽請旨定奪請代奏陽碑文如下國家與環球各國立約以來使臣歷數萬里之遠來駐吾華國權所寄至隆且重凡我中國臣民俱宜愛護而恭敬之者也德國使臣克林德秉性和平辦理兩國交涉諸務尤爲朕心所深信迺本年五月義和拳匪攔入京師兵民交証竟至被戕隕命朕心實負疚焉業經降旨特派大臣致祭並命南北洋大臣於該使臣靈柩回國時安爲照料茲於被害地方按其品位樹之碑銘朕尤有再三

富順各國洋人奏報  
到山海關大概情形

致意者蓋睦鄰之誼載於古經修好之規詳於公法我中國夙稱禮義之邦宜敦忠信之本今者克林德爲國捐軀令名美譽雖已傳播五洲而在朕惋惜之懷則更歷久彌篤惟望譯讀是碑者覩物思人懲前毖後咸知遠人來華意存親睦相與開誠布公盡心款洽庶幾太和之氣洋溢寰區旣副朝廷柔遠之思益保亞洲昇平之局此尤朕所厚望云山海關副都統奴才富順奏爲各國洋人到關大概情形恭摺由驛馳奏仰祈聖鑒事竊查山海關地方自此次軍興以來老龍頭海口舊有駐紮淮軍五營護守礮臺係記名提督鄭才盛統領秦王島一帶海口係由直隸督臣裕祿調撥總兵楊玉書統領直隸練軍馬步六營扼要堵禦關外止錨灣一帶海口係由盛京將軍增祺調撥總統仁字軍前

青州副都統訥欽統帶五營駐紮關外一帶堵禦山海關城係由奴才挑選八旗馬步甲八百名分佈護守迨八月二十日間北塘蘆臺相繼失守關城警報頻聞時有署錦州府知府章樾經盛京將軍增祺派赴洋軍講和奴才又接據署臨榆縣知縣俞良臣呈稱奉本營道府劄飭轉奉慶親王劄開現與各國停戰議和行令不准開釁等情復屢接盛京將軍增祺來電英國豎旗保護鐵路萬毋輕開一鎗照公法開一鎗即爲開釁行令切傳各營弁兵遵照嗣接章樾由唐山來電與俄議和六條兵丁不准私出一鎗各等語八月三十日間總兵楊玉書帶領所部退紮撫寧縣閏八月初七日記名提督鄭才盛帶領所部拔隊西上將礮臺礮位全行棄置初八日英國兵輪見各軍退守即由老龍頭海上

口上岸先將敵臺各營壘佔據隨赴南關鐵路把守當有英員禮在明邀奴才前往會晤奴才即協同山永協副將梁嶽署臨榆縣知縣俞良臣等赴鐵路公所與伊晤面稱係爲保護鐵路而來別無他意是夜俄兵乘坐啞車由鐵路來到五十餘人初九日早晨俄兵乘坐火車約有數千蜂擁而來駐紮南關於是各國兵輪火車水陸並進英日德俄法義奧七國洋兵不計其數均在各營分紮將山海關城四門把守彼時人聲鼎沸百姓扶老攜幼遷徙者紛紛副都統訥欽見勢不敵亦帶領所部拔隊退守僅剩防城旗兵孤掌難鳴又不敢輕開釁端是以令衆兵隱防城內外遂有英員禮在明並德國官長進城來奴才衙署會晤言明爲保護鐵路各城門用洋兵把守係爲彈壓各國之兵不令進城

恐其擾害閩城商民初十日奴才協同梁欽俞良臣與英日德俄法意  
奧七國欽差將軍提督等官在南海礮臺會議約有八條出示曉諭商  
民照常安業其國家大局仍聽京中和約定後再行遵辦奴才隨即督  
同署臨榆縣知縣俞良臣親往各街梭巡彈壓閩城人心始漸安定本  
擬將洋人到關情形隨時奏報緣因驛路梗阻礙難具奏業將大概情  
形設法繞道呈報慶親王大學士李鴻章轉奏在案嗣接慶親王李鴻  
章來咨以現在和議未成行令奴才相機因應妥籌辦理等因前來奴  
才察各國洋兵到關已經三箇月之久城內雖尙粗安而城外四鄉不  
無騷擾景象奴才既不敢從事於幽莽復不敢貽誤於機先惟有殫竭  
血誠隨時因應以待和議早成地方平靖以期仰副聖主懷柔遠人之

至意除將此次軍務用過款項各事宜一俟和約大定地方平靖後再行詳細具陳外所有各國洋人到關大概情形理合恭摺由驛馳奏伏乞皇太后皇上聖鑒訓示謹奏光緒二十六年十二月初十日奉硃批知道了

### 十一日 駐蹕西安府城

李鴻章電奏 接楊儒電俄外部云約稿未成請先批准增祺暫約再商正約儒答以暫約已聲明在先作爲廢紙必欲硬派不但暫約無請批之理即正約亦無開議之期況戶部已尤從長計較乎外部語塞始云如正約不阻難自當勉從所請答以正約如近理無不可商我祇可代奏允否全在政府連日辯論始將請批准一節停罷此等枝節尙與

據李鴻章奏  
楊儒電  
俄暫約已准  
批作罷論

正文無涉開議結束正難預料苦於權勢均無唇舌寡效材輕任重焦急萬分俟稿到再陳

十二日 駐蹕西安府城

旨電李鴻章法兵入廣昌勢將入晉據宋慶電法人有直隸割歸該國管轄我兵不得攔入等語此事從何而來現在議和已畫押各國即宜止兵停戰何得前進不已著該大臣趕向各使阻止

十三日 駐蹕西安府城

奕効李鴻章電信 齊佳電旨敬悉前送畫押專條卽聲明應照條款末節所稱撤退京畿一帶駐紮兵隊未撤之先當立即停戰止兵不可再派兵分往各州縣城鎮四出騷擾據各使照覆以條款末節載明若

非深防兵欲遂廣垣並入電並

非中國允從足適各國之意難許有撤退京畿一帶兵隊之望今僅畫押並未確切見諸施行難云足適各國之意未便即允停戰止兵法兵欲進廣昌迭經詰阻據稱晉邊添兵愈多法不能無備其意似欲逐退防兵並非深入至稱直隸地方畫歸法國自係誤聽訛言直隸除津保被佔此外並無某處割歸某國之事也英主薨逝臣等即日往使館慰問請代奏慶鴻文

上諭中外訂約以來各國人民准入內地載在條約朝廷慎固邦交迭經諭飭各省實力保護乃地方官漫不經心以致匪徒肆行滋擾傷害各國人民之案層見疊出朕維薄德無以化導愚民良深引疚而地方各官平日於洋務不知講求於交涉罔識大體以致燎原引火貽害君

國撫心自問當亦難安自今以往其各振刷精神捐除成見須知修好  
睦鄰古今通義遠人來華或通商以懋遷有無或游歷以增長學識即  
傳教之士亦以勸人行善爲本梯山航海備極艱辛我中國旣稱禮義  
之邦宜盡賓主之誼况近年華民出洋者不下數十萬人身家財產悉  
賴各國保全卽以報施而論亦豈得稍存歧視著再責成各直省文武  
大吏通飭所屬遇有各國官民入境務須切實照料保護儻有不逞之  
徒假託義憤凌虐戕害洋人立即馳往彈壓獲犯懲辦不得稍涉玩延  
如或漫無覺察甚至有意縱容釀成鉅案定將該管地方官革職永不  
敍用不准投効他省希圖開復並將此次諭旨一併刊布出示曉諭以  
期官民交徹永革澆風

旨寄奕劻李鴻章細繹條款第二款內有日後指出一律嚴懲等語日後二字甚屬不妥以前所指之人朝廷已分別輕重辦理若不劃清界限後患無窮著奕劻李鴻章婉切相商務將日後字改去至一切節目內償款改約章兩條尤須細酌此外亦多有須詳切磋磨之處並著該親王等細心討論隨時電商劉坤一張之洞互相妥酌切勿草率畫押爲要

十四日 駐蹕西安府城

上諭各省會徒藉傳教爲名糾衆立會迭經降旨嚴禁不啻三令五申乃近來山東各屬竟有大刀會義和拳等名目到處傳習肆行殺掠蔓延直境闖入京師以致焚毀教堂圍攻使館貽誤大局開罪鄰邦朕以

保護未至負咎滋深爾百姓平日食毛踐土具受國恩乃敢逞其好勇  
齷狼之私習爲符咒邪妄之術拒捕戕官肆無忌憚遂爾肇此奇禍上  
貽君父之憂追念之餘尤深痛恨業經嚴飭各路統兵大員實力勦捕  
務絕根株並將縱庇義和拳之王大臣各照應得之罪分別輕重盡法  
嚴懲殺害各國人民之各城鎮概停文武各項考試五年以示懲儆惟  
恐愚民尙未周知特再嚴行申禁以免不教之誅爾軍民人等須知結  
黨入會例禁綦嚴朝廷辦理會匪之案從未稍寬况各國皆屬友邦教  
民亦係赤子朝廷一視同仁毫無歧視即或果有被冤情事亦應呈報  
官司聽候持平辦理何得輕信謠傳藉詞報復託名義憤藐視刑章迨  
事敗之後黠者遠颺懦者受戮法所難容情實可憫自此次嚴諭之後

各宜悔過自新痛改惡習如再有怙惡不悛之徒私立仇敵各會持械  
相鬪公然刦掠除將爲首之人嚴密查拿盡法懲治外其有甘心從逆  
焚殺有據者亦即按照土匪章程懲辦一律問死決不寬貸各省將軍  
督撫大吏均有教民之責務各嚴飭所屬剴切曉諭並將此諭刊刻曆  
黃遍行張貼務使家喻户晓爲善良以無負朝廷諄諄告誡之至意

十五日 駐蹕西安府城

上諭都察院左都御史張百熙着派充頭等專使大臣前往大英國奠  
唁致賀

上諭工部代遞主事夏震武呈請充使赴俄並請派主事洪嘉興等同  
往襄助一摺議約係交涉事宜何等鄭重豈宜以疏逖小臣自請充使

即可遞信之理夏震武前欲進京先見李鴻章朝廷姑允所請冀收一日之長今乃妄請自充專使並援引洪嘉與許珏同往直以國家重大之事視同兒戲推其心蓋欲自博憂國敢言之譽而貽朝廷以棄賢拒諫之名實屬狂愚謬妄本應予以重懲姑念迂儒無知從寬嚴行申斥夏震武勿庸前往京師亦不准再行瀆奏

十六日 駐蹕西安府城

盛宣懷電信 庚電已密商全權頃接邸相元電滬密辦董密旨擬俟會議時如迫我剋期必辦則出示釋疑連日與各使密談似已略知辦董之有害大局又注意端瀾耳至兵費一節向例須議定數目限期始能撤兵頃聞瓦帥知照各使所索懲辦禍首如果照辦確有證據各國可費各國始可撤兵電

盛宣懷致  
福垣如憲  
可費各國始  
可撤兵電

所索兵費亦如數允給則北京保定兵隊始可撤退直隸全省兵隊亦可酌減云希轉達樞廷

十七日 駐蹕西安府城

旨電奕効李鴻章懲辦禍首前擬各節朝廷已萬分遷就委曲求全必須確有把握毫無異議方可先行明降諭旨今來電僅云會晤時據以宣示又云未知能否鑒其欲皆屬未定之詞倘仍不滿其欲人已懲辦約竟不成豈不令朝廷進退維谷着再行商酌或密探或婉商必與彼族議定始能照辦或將分別輕重懲辦各節作爲全權所擬向其切實商定電到即可降旨允行以免後患

十八日 駐蹕西安府城

奕効李鴻章致祺電垣暫約  
周冕電急報情形

敬信奏查明衙署全毀庫銀全失並刑部人犯全行放出情形摺

十九日 駐蹕西安府城

奕効李鴻章電信 頃接增將軍由旅順元電稱電敬悉祺辦理不慎  
咎無可辭惟文電不通爲難情形未能遽達和議如何前此亦未略悉  
周冕九條如第一條火車路未改八九條尙無關繫二條俄留軍隊與  
鈞示不允全撤相同三條我軍隊旣不得力一律裁撤亦與函示相符  
三省庫儲之械俄早收去潰兵械已散失留兵六千械僅敷用礮臺旣  
無間壘何用五條已允將遼海蓋熊各城歸還營口亦允和議略定必  
交六條巡捕隊定六千人比吉林多二千與從前練軍相仿七條省城  
雖派來廓米薩爾及暫約俱允視北京和議爲斷不符更改是暫約已

不爲一定之據此補救大概情形此番商訂尙無枝節懇鉤政轉奏云  
此電已轉楊使酌辦慶鴻嘯

二十日 駐蹕西安府城

奕劻李鴻章電信 頃晤英使以中國派張百熙前往唁賀官職太小  
不足以崇體制將來派親王赴德時便道英國亦不爲遲此時請不必  
派專使云云謹電奏

二十一日 駐蹕西安府城

宋慶奏和議恐不足恃請另練三十營直東晉豫聯絡一氣並擬選將  
赴河南扼要駐紮請旨遵行摺

上諭寄于蔭霖錫良據宋慶奏請另練三十營以聯直東晉豫之氣有

盛宣懷致  
請云樞垣各國減款電書

事互相策應並選將赴河南扼要駐紮一摺現在庫款支絀鉅餉難籌  
晉省防營不少着宋慶在馬玉崑所統二十二營內酌撥若干營赴豫  
分紮不必另行募練以節餉需

二十一日 駐蹕西安府城

盛宣懷電信 昨接全權電各國所索兵費必如數允給始各退兵磋  
磨不易云云宣現與上海英領事言所有開議之後各國賠補之款自  
當照約辦理惟庫儲一空擬將撫卹賠償兩項無論如何爲難總須設  
法清繳惟兵費太鉅力不從心請不加逼勒現資及息借鉅款朝廷擬  
令戶部及商務大臣與各督撫籌商凡有利於國而不損於民者當援  
引西法竭力開通則中利而西亦利英領事問云利在西者何處何事

答以開礦鐵路及稅釐并徵各件伊云各使多欲立功決不放鬆惟有請發國書委婉措辭請各國減讓雖各國意見不同當可寬期減數但不可說出是我所言云云該領事現已專使赴英請示敬聞

上諭禮部尙書啟秀刑部左侍郎徐承煜着即革職交奕効李鴻章查明確據從嚴懲辦

### 二十三日 駐蹕西安府城

盛宣懷電擬致各國國書稿 各大國會議要款敝國現已次第議商照辦惟賠款一事不得不通盤籌畫此次兵事各處財物毀失過多且敵國地利商務向未開通一時不易籌集鉅款索之太急必致搜括無遺民窮生變當爲大皇帝所鑒諒敬念大皇帝誼篤邦交亦欲敝國竭

電  
各國國書稿  
樞垣擬致  
酌減款

力圖治求保亞東太平之局面開通商不竭之利源敝國現議實行新法正期圖報各大國之惠於後日尤望貴國始終玉成商同各大國允將賠款酌減數目寬定年限另籌妥法攤償免使多借息款藉得稍蘇喘息整頓內政將來中外必能益加修睦各大國永享無窮之利益感仰厚德非言可宣謹布腹心惟希鑒察不勝盼禱之至

軍機處致盛宣懷電信 養電已進呈所擬國電奉旨照辦文內向未二字改作尙少實行新法四字改作力行實政餘俱照擬辦理希貴京卿迅即分電英德俄法美日意出使大臣轉遞並將各國君主稱謂悉照舊式分別填寫毋漏毋誤爲要極謹

軍機處致盛宣懷電信 此次兵事惟美國最爲和平卽平日交涉亦

公尤擬另致一國書贊美之並託其爲力代向各國妥商償卹事宜許以利益如台端辦理鐵路借美款之事似較有益如以爲然即擬國書電達請酌覆樞様

懿旨所有除夕一切辭歲禮節着即行停止

二十四日 駐蹕西安府城

旨電奕劻李鴻章等三電閱之實深駭異懲辦禍首分別輕重原約載明業經畫押該親王等迭次來電與各使屢經商詰均以朝廷所擬輕重不甚懸殊今忽改議一概從重並追究已死之員又添指兩人明係與朝廷爲難是否別有意見着奕劻李鴻章仍照會各使切實剖辨如載滿載瀾前電所擬已係格外加重尙可照加恩遠戍辦理英年不過

隨同附和載漪旣已爲首重懲英年爲從例應減等趙舒翹查辦拳匪兩日即回覆奏並無縱庇之詞即各國初議亦祇謂其查辦不實豈能概置重典剛毅徐桐業經身故李秉衡只爲勤王此來並未加入圍攻使館旋即殉難況出使大臣前次聯銜電奏據各國所指懲辦禍首有除已死不計外之說今又加罪於死後諸臣不惟中國無此刑章即泰西各國亦無此法律至駁秀徐承煜並無贊實據前諭日後指出之員必須確有憑據方可加罪現各聯軍竟將大員拘禁未免太不留中國之權務令釋回自行查明如有證據自當懲辦至欲派員監視行刑尤屬窒礙難行必至駭人聽聞激生事變此說務須堅拒當圍攻使館之時拳匪十數萬異常擾亂雖竭力保護誠恐或有疏虞因勸各使離

京赴津並派宋慶軍護送實爲保全起見絕無誘騙中途加害之意何以不諒苦衷反疑我爲誘害所有各情務須逐一與各使竭力剖明總之懲辦禍首必須分別輕重情真罪當方昭公允董福祥前電旨已言明漸收兵權尙須撫定民心乃可徐圖辦法至請將徐用儀五人開復原官一節該員等係因屢被參劾執法懲辦並非因痛恨違悖公法加罪亦無遞摺辨駁之事此事亦屬誤會今欲請朝廷加恩悉予開復只期禍首擬辦妥協自亦不難曲從諸大國旣真心議和自當諸事持平商辦一切務須詳加剖辨以期早日就範勿致停議各款延宕和局又生枝節爲要

上諭錫良奏拿獲富有票首要會匪訊明正法一摺康梁巨逆創立富

有票到處散放藉端煽惑勾結匪徒潛謀不軌實堪痛恨經錫良拿獲首犯邵春軒甘瑞成二名訊明正法所有在事出力各員着優加獎勵旨寄寧夏將軍色楞額新疆巡撫饒應祺本日已降旨將端郡王載漪發往新疆永遠監禁前有旨令該革王折回蒲州現在行抵何處着色楞額查明即行派員解往新疆交饒應祺收入省監永遠監禁

二十五日 駐蹕西安府城

上諭京師自五月以來拳匪倡亂開釁友邦現經奕劻李鴻章與各國使臣在京議和大綱草約業已簽押追思肇禍之始實由諸王大臣昏謬無知竊張跋扈深信邪術挾制朝廷於勦辦團匪之諭抗不遵行反縱信拳匪妄行攻戰以致邪燄大張聚數萬匪徒於肘腋之下勢不可

遇復令鹵莽將卒圍攻使館竟至數月之間釀成奇禍社稷阽危陵廟震驚地方蹂躪生民塗炭朕與皇太后危險情形不堪言狀至今痛心疾首悲憤交深是諸王大臣等信邪縱匪上危宗社下禍黎元自問當得何罪前者兩降諭旨尙覺法輕情重不足蔽辜應再分別等差加以微處已革莊親王載勛縱容拳匪圍攻堂館擅出違約告示又輕信匪言枉殺多命實屬愚暴冥頑着賜令自盡派署左都御史葛寶華前往監視已革端郡王載漪倡率諸王貝勒輕信拳匪妄言主戰致肇釁端罪實難辭降調輔國公載灝隨同載勛妄出違約告示咎亦應得着革去爵職惟念俱屬懿親特予加恩均着發往新疆永遠監禁先行派員看管已革巡撫毓賢前在山東巡撫任內妄信拳匪術至京爲之揜

揚以致諸王大臣受其煽惑及在山西巡撫任復戕害教士教民多命  
尤屬昏謬凶殘罪魁禍首前已遣發新疆計行抵甘肅著傳旨即行正  
法並派按察使何福堃監視行刑前協辦大學士吏部尙書剛毅祖庇  
拳匪釀成鉅禍並會出違約告示本應置之重典惟現已疾故著追奪  
原官革職留任甘肅提督董福祥統兵入衛紀律不嚴又不諳交涉率  
意鹵莽雖圍攻使館係由該革王等指使究難辭咎本應重懲姑念在  
甘肅素著勞績回漢悅服格外從寬著即行革職降調都察院左都御  
史英年於載勦擅出違約告示曾經阻止情尚可原惟未能力爭究難  
辭咎著加恩革職定爲斬監候罪名革職留任刑部尙書趙舒翹平日  
無嫉視外交之意其查辦拳匪亦無庇縱之詞惟究屬草率貽誤著加

恩革職定爲斬監候罪名英年趙舒翹均著先行在陝西省監禁大學士徐桐降調前四川總督李秉衡均已殉難身故惟貽人口實均著革職並將邱典撤銷經此次降旨以後凡我友邦當共諒拳匪肇禍實由禍首激迫而成決非朝廷本意朕懲辦禍首諸人並無輕縱即天下臣民亦曉然於此案之關繫重大也

上諭本年五月間拳匪倡亂勢日張朝廷以勦撫兩難迭次召見臣工以期折衷一是乃兵部尙書徐用儀戶部尙書立山吏部左侍郎許景澄內閣學士聯元太常寺正卿袁昶經朕一再垂詢詞意均涉兩可而首禍諸臣遂乘機誣詔交章參劾以致身罹重辟惟念徐用儀等宣力有年平日辦理交涉亦能和衷尙著勞績應即加恩徐用儀立山許

軍機處致劉坤一張之洞電信  
禍首張懋請辦商英事各領國剖辦

景澄聯元袁昶均著開復原官該部知道

二十六日 駐蹕西安府城

軍機處致劉坤一張之洞電信 此次肇禍諸人昨已降旨照全權所請莊賜自盡端瀾新疆監禁統正法董緩辦惟英趙加恩定斬監候啟徐先革職查明實據再重懲矣論英趙情節本輕乃欲一律論死實太不情英僅隨同出違約告示已有莊當重罪此外並無縱拳攻使重情趙查辦拳匪僅去兩日頗有解散回奏亦稱拳爲邪術不可恃更屬冤抑啟徐平空添出自行拘禁大失國體前已擅殺廷雍豈可再蹈故轍全權於此等處均未能婉切剖辯致使朝廷萬分爲難貴督等保護東南爲英德所信此事皆英德主持務希迅速詳晰分電各國外部及公

使婉商力辦現已欽奉諭旨勿得異議啟徐務請交回自辦以期持平而全政體且便他款可次第議行勿致宕延和局爲要樞宥

二十七日 駐蹕西安府城

旨電盛宣懷首禍諸臣英趙例得末減著會商劉坤一張之洞與各外  
部辨駁徐啟已革職應得重罪即與各領事商屬電各使交回懲辦如  
何回覆之處迅即電奏

李盛鐸電奏 頃日外部言此次議款中國萬不可割地如允割地與  
一國或雖未明割而允其設官置兵亦是暗讓一經允定他國必羣起  
效尤大局當不可問財政及各種利權亦然設有一國要挾太重中  
國似可答以此次事變關繫各國宜歸入各國公約併議庶免受虧並云

李盛鐸致  
可議款垣此次  
割地電不

西巡大事記卷四

四一

料附刊之一

此係日政府密勸之意等語屬電陳請代奏鐸有

旨電奕効李鴻章現在事機萬緊朝廷不爲遙制惟懿親不加刑乃各國通例自可切實聲明至追懲禍首以太原殘殺爲重若將毓置之重典便可撤兵就款即當照辦該王大臣等膺全權重任一切准便宜行事不必往返稽延致生他變總之時危勢迫惟以宗社爲重該親王等善體此意相機因應力維大局可也

軍機大臣榮祿等片 此案已經全權向各國商允即可照辦至懲辦禍首罪狀二十五日諭旨已逐名詳敍惟載瀾載漪須先定斬監候再加恩發遣英年趙舒翹加重賜自盡剛毅徐桐李秉衡分別斬決斬監候應定罪名已死免議擬旨請欽定惟面奉諭旨令敍明李秉衡在山

狀辦委片  
恭禍商定請  
首定懲罪謹

軍機處奏  
各使請解  
李鴻章奏  
辦理各款

東辦理不善經中外諸人保奏方得起用等語再三商酌如聲明有人  
保奏恐彼又搜尋保奏究係何人致生枝節似不如仍以渾含爲妥是  
否有當恭請聖裁奉硃批是

軍機處致奕劻李鴻章電信 十二條大綱已照允細目當可磋商懲辦一節披瀝詳陳已允加等告示云云朝廷並未知道莊係提督實所主持擬與端同遣戍並永革爵職本支子孫不准承襲雖貸其一死而於法較重萬一尙不滿欲惟有賜自盡郤不便永革王襲剛雖死仍革職餘兩人均隨同畫諾擬一并革遣趙情罪較輕擬革職董一切情形詳前電一時難重辦如此辦理祿等實已不遺餘力統祈揣度情形力

爲解釋爲要

二十八日 駐蹕西安府城

旨電奕効李鴻章電悉首禍諸臣昨已降旨懲辦英趙情罪較輕是以加恩定擬今來電稱該使辭意決絕爲大局計不得已祇可賜死如果照此辦理不致再生枝節即由該親王等妥察情形奏明請旨總期早定和局勿再延宕爲要

將下趙城宣  
人賜英稱舒翹懷  
趙死啟寬請天奏  
電以二請

盛宣懷電奏 趙舒翹天下稱冤縞料徐啟被拘萬無生理先允趙英賜死勢必仍生枝節不如竟允徐英啟三人而獨救一趙情罪較當除電全權劉坤一張之洞外謹電奏

旨電奕効李鴻章即電晉昌清銳壽長迅速赴京增祺所借華俄銀行款着酌給以後不得再借

上諭本年夏間拳匪肇釁挾制朝廷當時所頒諭旨首禍諸臣竟於事  
機紛擾之際乘間矯擅非出朝廷之意所有不得已之苦衷微言宣示  
中外臣民諒能默喻現已將首禍諸人分別懲辦着內閣將五月二十  
四日以後七月二十日以前諭旨悉數呈閱查明將矯妄擅傳諭旨提  
出銷除以重繙音而昭信史

二十九日 駐蹕西安府城

旨電于蔭霖據奕劻李鴻章電奏接法使函稱本年夏間河北道岑春  
榮出有援引諭旨激勸拳民滅教焚堂告示致該省教育會全行被刦武  
安縣教民多被殘毀並有掘毀教士墳墓之事現教士擬與新撫商辦  
既不接見亦不回信另有教士赴涉縣該縣令素仇視洋人毫不保護

教士性命堪虞滑縣安陽衛輝等處地方官皆恨惡教士教民致伊等不敢歸里請將岑道及車呂石各令先行撤任由公使查覈按照規定草約第十款辦理並嚴飭豫撫令新換各地方官將所出教案會同河南北境之主教商辦妥協並速發銀五萬兩將來由賠款內扣除並爲該教士等速覓相宜寓所護送前往居住等語現時局艱危至此于蔭霖身膺疆寄宜如何審時度勢將此等教案妥速籌辦豈可置之不理設再出狀殺重案致生枝節貽誤大局該撫能當此重咎否著即按照來電趕緊查明並將該道及各地方官酌量撤換妥速籌辦完結毋得稍事宕延致貽後患是爲至要並將查辦情形先行電奏

西巡大事記卷四終